



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Imagines Sanctorvm Ord. S. Benedicti**

**Stengel, Carl**

**[Ort nicht ermittelt], M.DC.XXV**

XVII. Novembris. S. Gregorivs Tvronensis.

**urn:nbn:de:hbz:466:1-38356**

**S** GREGORIUS ex Monacho Turonensi, eiusdem urbis Episcopus patrē Florentio, matre Armentaria genere nobilibus procreatus est. Ipse verò literarum studiis addictus, primitus sub Gallo Episcopo, mirificè profecit: postmodum verò sub Auito viro Dei, ad arcem sapientiæ prouectus est. Factus autem Turonensis Ecclesiæ post B. Euphronium Episcopus, tam doctrinā, quàm conuersatione clarus atq; sanctissimus emicuit, qui etiam in vitā miraculis coruscavit. Fuit homo parvæ staturæ, sed magnæ scientiæ, excelliq; meriti apud DEVM, qui non respicit personam hominis, sed opus & bonam voluntatem. Erat enim in ieiuniis frequens, in orationibus assiduus, & eleemosynis largus, hospitalitatis amator præcipuus, & sanctæ Scripturæ lector studiosus. Vnde, libros multos in laudem Sanctorum præcipuè, & historiam gentis suæ luculento sermone conscripsit. Ecclesias complures construxit, alias item reparavit, & exornavit.

Tandem XXI. Episcopatus sui anno, tanquam septenario annorum numero ter in fide S. Trinitatis completo, appositus est ad patres suos, non tam dierum, quia fermè tricennalis ordinatus est, quam virtutum perfectione plenus: qui tamen non vsquequaq; videtur clausus in tumulo, scilicet restat vt lingua viuat in mundo: & quia sicut credimus, B. Martino in cælo est sociatus, sic etiam corpore est illi in sepulchro vicinus. Obiit XV. Kal. Dec.

A. C. DCXCIV. *Ex vita.*



S. GREGORIVS TVRONENSIS EPISCOPVS ORD. S. BEN.  
Qui fuit de SS. TRINITATE contra Arianum  
Laurigildi Hisp. Regis ad Chilpericum Gallorum Regem  
Legatione egregie defendit, et Ecclesiam Dei uniuersam  
scriptis libris illustravit, atq. doctrina et sanctitate Clarus  
migravit ad Dominum, XV. Cal. Dec. A.C. DXCV.

RE-

2000

V

XVIII. NO.